

खबरां

- राश्ट्रपति द्रौपदी मुर्मु होरें लोकें गी सी. राजगोपालाचारी हुं'दे जीवन ते विरासत थमां प्रेरणा लैने लेई आखेआ ऐ। राश्ट्रपति होरें अज्ज राश्ट्रपति भवन च एडविन लुटियंस हुं'दी प्रतिमा दी थाहै पर स्थापत पैहले भारती गवर्नर जनरल चक्रवर्ती राजगोपालाचारी हुं'दी प्रतिमा परा पर्दा गोहाड़ेया।
- केंद्री सहकारिता मंत्री अमित शाह होरें अज्ज नमीं दिल्ली च भारत टैक्सी दे सारथियें कन्नै गल्लबात करदे होई आखेआ जे भारत टैक्सी सैहकारी समिति दा मकसद डरैवरें गी उं'दे कम्मै च मालकी देइयै उं'नेगी सशक्त बनाना ऐ।
- गृह मंत्रालय ने देशै दी नमीं राश्ट्री आतंकवाद-रोधी नीति ते रणनीति- प्रहार गी सार्वजनिक कीता ऐ जेह्डी आतंकवाद दे बधदे खतरें कन्नै निब्वडने लेई इक व्यापक बवस्था पेश करदी ऐ।
- तेहरान च स्थित भारत दे राजदूती दफतरै ईरान च रवा करदे सबनें भारती बसनीकें गी ईरान छोडी देने दी सलाह जारी कीती ऐ।
- मणिपुरी फिल्म बोंग नै लंदन च सबनें शा बेहतरिन बाल ते परोआरिक फिल्म दा बाफ्टा पुरस्कार हासल कीता ऐ। प्रधानमंत्री नरेन्द्र मोदी होरें इस उपलब्धि लेई फिल्म कन्नै जुड़े दे लोकें गी मुबारकबाद दिती ऐ।
- मर्दे दे आईसीसी टी20 क्रिकेट विश्व कप दे सुपर 8 मुकाबले च अज्ज मुम्बई दे वानखेड़े स्टेडियम च जिम्बाब्वे ते वैस्ट इंडीज दा मैच चला करदा ऐ।

<><><><><><>

Rajaji Utsav

पैहले भारती गवर्नर जनरल चक्रवर्ती राजगोपालाचारी हुं'दे जीवन ते विरासत दा प्रदर्शन राजाजी उत्सव नमीं दिल्ली दे राश्ट्रपति भवन च अज्ज शुरु होई गेआ। इस मौके पर राश्ट्रपति द्रौपदी मुर्मु होरें नमीं दिल्ली दे राश्ट्रपति भवन च चक्रवर्ती राजगोपालाचारी हुं'दी प्रतिमा परा पर्दा गोहाड़ेआ। चक्रवर्ती राजगोपालाचारी हुं'दी प्रतिमा अशोक मंडप दे नेड़े एडविन लुटियंस हुं'दी प्रतिमा दी थाहै पर स्थापित कीती गई ऐ। राश्ट्रपति होरें आखेआ जे चक्रवर्ती राजगोपालाचारी भारत दे महान सपूत ते बहुमुखी प्रतिभा दे धनी हे। राश्ट्रोपति होरें आखेआ जे विधि, स्वतंत्रता संग्राम, समाजी ते आर्थिक सुधार, प्राचीन भारती धर्मशास्त्र, राजनीति ते शासन च उं'दे जोगदान ने इं'नें खेत्तरें गी समृद्ध कीता। राश्ट्रपति होरें आखेआ ऐ जे चक्रवर्ती राजगोपालाचारी होरें देशै दे इतिहास पर कदे नेई मिटने आहली छाप छोडी ऐ। उं'नें आखेआ जे राजगोपालाचारी हुं'दे आदर्श पर कम्म करना गै उं'नेगी सच्ची श्रद्धांजलि होग। राश्ट्रपति होरें मेद बुज्झी जे देशै दी जनता राजगोपालाचारी हुं'दे जीवन ते विरासत थमां प्रेरणा लेइयै राश्ट्र गी सबनें शा अगगे रक्खने दी भावना दे कन्नै अगगे बधग। राश्ट्रपति होरें

आखेआ जे एह पैहल औपनिवेशिक मानसिकता दे अवशेशें गी त्यागने ते भारत दी समृद्ध संस्कृति, विरासत, शाश्वत परंपराएं गी गर्व कन्नै अपनाने ते भारत माता दी सेवा च असाधारण जोगदान देने आहलें गी सम्मानत करने दी दिशा च पुट्टी जा'रदी गैहीं दी श्रृंखला दा हिस्सा ऐ। तोआई उपराश्ट्रपति सी पी राधाकृष्णन होरें आखेआ जे भारत दा औपनिवेशिक प्रभाव थमां मुक्ति दा सफर इक घटना नेई ऐ, सगुआं शासन, कनून, शिक्षा, संस्कृति ते राश्ट्री पन्ध्यान दे खेत्तर च इक बड्डा बदलाव ऐ। उ'नें आखेआ जे 'गुलामी दी मानसिकता थमां आजादी'दी प्रधानमंत्री नरेंद्र मोदी हुं'दी परिकल्पाना गी केई पैहलकदमिं दे माध्यम कन्नै साकार कीता गेआ ऐ। केंद्री मंत्री गजेन्द्र सिंह शेखावत होरें प्रधानमंत्री नरेंद्र मोदी हुं'दा संदेस पढेआ। एहदे च प्रधानमंत्री होरें राश्ट्रपति भवन दे ऐतिहासिक केंद्री प्रांगण च राजाजी हुं'दी प्रतिमा परा पर्दा गोहाड़े जाने गी देशवासियें लेई बडे मते मानै आहला पल करार दित्ता। तोआई सूचना ते प्रसारण राज्य मंत्री एल. मुरुगन होरें आखेआ जे राजाजी हुं'दी बौद्धिक गहराई, नैतिक बहादरी ते राश्ट्री सेवा दे प्रति अननुदृ प्रतिबद्धता पीढियें गी प्रेरित करदी रौहग।

<><><><><><>

HM Bharat Taxi

केंद्री गृह ते सहकारिता मंत्री अमित शाह होरें नमीं दिल्ली च भारत टैक्सी दे सारथियें कन्नै गल्लबात कीती। अज्ज जारी इक वीडियो च श्री शाह होरें आखेआ जे भारत टैक्सी सैहकारी समिति दा मकसद डरैवरें गी उ'दे कम्मै च मालकी देइयै उ'नेंगी सशक्त बनाना ऐ। उनें दस्सेआ जे इस पैहलकदमी दा लक्ष्य निजी टैक्सी सेवा कंपनीं कन्नै जुडी दिएं समस्यां गी घट्ट करना ते एहदा लाहू चालकें गी दोआना ऐ नां के सहकारी समिति गी। उ'नें आखेआ जे एह पैहल चालाकें दे कल्याण ते जात्रिं दी सुरक्षा लेई इक मंच बना करदी ऐ। श्री शाह होरें आखेआ जे भारत टैक्सी च किश बी छप्पे-गुज्जे दा नेई होग ते हर इक जानकारी सारथिं गी अधिसूचना दे राहें दित्ती जाहग। उ'नें आखेआ जे सहकारी टैक्सी सेवा- 'भारत टैक्सी' दुनिया दी सभनें शा पारदर्शी टैक्सी सेवा बनी जाहग। 'भारत टैक्सी' दी अनोखी सारथी दीदी पैहलकदमी पर लोऽ पांदे होई श्री शाह होरें आखेआ जे इस सुविधा दे माध्यम कन्नै महिला जत्तरी अपने सफर लेई महिला चालकें गी चुनी सकदिआं न। शाह होरें दस्सेआ जे 'भारत टैक्सी' दी सारथी महिलाएं गी बीमा लाहू ते सखलले दोआर-कर्जे दिआं सुविधां मिली सकडन।

<><><><><><>

Prahar Counter Terrorism

तेहरान च भारत दे राजदूती दफ्तरै ईरान च रवा करदे भारती नागरिकें गी ईरान छोड़ी देने लेई आखेआ ऐ। एहदे लेई बवसायिक डुआरिं सने कुसै बी होर जरिये दा इस्तेमाल करने दी सलाह दित्ती गेई ऐ। राजदूती दफ्तरै इस ब'रे 14 जरवरी दी अपनी सलाह गी दोहरां दे होई आखेआ ऐ जे सभनें भारती बसनीकें ते भारती मूल दे व्यक्तिं गी उचित सावधानी बरतनी चाहिदी ते कन्नै बरोध-प्रदर्शन जां रैलिं आली थाहें पर जाने थमां बचना लोडचदा। इ'नें लोकें गी ईरान च स्थित भारत दे राजदूती दफ्तर दे संपर्क च रौहने ते मीडिया दिं खबरें पर तक्क रखने लेई आखेआ गेआ ऐ। भारती बसनीकें गी

पासपोर्ट ते पंछान पत्तर सने अपने जातरा ते इमीग्रेशन दस्तावेजें गी तयार रखने दी बी गुजारश कीती गई ऐ।

<><><><><><>

Terrorists Eliminated

जम्मू च स्थित फौज दी व्हाईट नाइट कोर नै अज्ज आखेआ ऐ जे किश्तवाड़ जिले दे छात्रु इलाके च 326 दिनें तगर चले दे इक सांझे अभियान च 7 खूंखार आतंकवादियें गी मारी मकाया गेआ ऐ। आकाशवाणी दे जम्मू संवाददाता दी रिपोर्ट मुजब कोर नै अपनी इक पोस्ट च इस अभियान गी बड़ी मती दलेरी ते मजबूत धेइयै आहला अभियान दस्सेआ ऐ जिसी जम्मू-कश्मीर पुलस ते सी.आर.पी.एफ दी सांझी टीम नै आधुनिक तकनीकें ते जबरदस्त खुफिया तंत्र दे राएं अंजाम दित्ता। तोआई, जम्मू दे आई.जी.पी भीम सेन टूटी होरें मीडिया कर्मियें कन्नै गल्ल करदे होई दस्सेआ जे सैफुल्लाह ते ओह्दे साथिं दा खात्मा, खित्ते च आतंकवादी नेटवर्क गी इक बड्डा झटका ऐ। उंनें आखेआ जे जम्मू शा आतंकवाद गी भलेआं खत्म करने लेई आम माहनू दा साथ बी बड़ा लाजमी ऐ।

<><><><><><>

PM Condolence

प्रधानमंत्री नरेंद्र मोदी होरें साबका केंद्री मंत्री मुकुल राँय हुंदा काल होई जाने पर दुख ते बसोस बुझेआ ऐ। सोशल मीडिया दी इक पोस्ट च प्रधानमंत्री होरें आखेआ जे मुकुल राँय होरें गी उंदे सियासी तजुर्बे ते समाज सेवा लेई चेत्ता कीता जाहगा। साबका रेल मंत्री ते राज्यसभा सांसद मुकुल राय हुंदा अज्ज बड्डुलै कोलकाता दे इक निजी अस्पताल च काल होई गेआ। ओहू 71एं बरें दे हे।

<><><><><><>

Indian Embassy Iran

तेहरान च भारत दे राजदूती दफ्तरै ईरान च रवा करदे भारती नागरिकें गी ईरान छोड़ी देने लेई आखेआ ऐ। एह्दे लेई बवसायिक डुआरिं सने कुसै बी होर जरिये दा इस्तेमाल करने दी सलाह दित्ती गई ऐ। राजदूती दफ्तरै इस बरे 14 जनवरी दी अपनी सलाह गी दोहरांदे होई आखेआ ऐ जे सभनें भारती बसनीकें ते भारती मूल दे व्यक्तिं गी उचित सावधानी बरतनी चाहिदी ते कन्नै बरोध-प्रदर्शन जां रैलिं आली थाहें पर जाने थमां बचना लोडचदा। इनें लोकें गी ईरान च स्थित भारत दे राजदूती दफ्तर दे संपर्क च रौहने ते मीडिया दिं खबरें पर तक्क रखने लेई आखेआ गेआ ऐ। भारती बसनीकें गी पासपोर्ट ते पंछान पत्तर सने अपने जातरा ते इमीग्रेशन दस्तावेजें गी तैयार रखने दी बी गुजारश कीती गई ऐ।

<><><><><><>

India Embassy Mexico

भारती दूतावास नै मैक्सिको दे बक्ख-बक्ख हिस्सें च जारी सुरक्षा अभियानें, सडक अवरोधें ते आपराधिक गतिविधिं दे कारण अपने नागरिकें गी परामर्श जारी करिं सावधानी बरतने ते घरें च गै रौहने दा आग्रह कीता ऐ। दूतावास नै प्रभावित क्षेत्रें च मौजूद भारती नागरिकें गी सक्रिय पुलस

गतिविधिएं आहले खेत्तरें शा बचने ते आले दोआले दे माहौल दे प्रति सौहगा सतर्क रौहने दा अनुरोध कीता ऐ। कुसै बी सहायता आस्तै दूतावास कन्नै +525548477539 पर संपर्क कीता जाई सकदा ऐ।

<><><><><><>

Nepal Accident

नेपाल च अज्ज बढलै इक बस दुर्घटना च 17 लोकें दी मौत होई गई। पोखरा शा काठमांडू जा'रदी इक बस त्रिशुली नदी च डिग्गी गई। बस च कुल 44 यात्री सवार हे। करीब 26 घायलें गी बचाई लैता गेआ ऐ। किश घायलें दा ईलाज स्थानीय अस्पतालें च चला'रदा ऐ जिसले के ज्यादातर घायलें गी काठमांडू भेजेआ गेआ ऐ। दुर्घटना आहली थाहर पर बचाऽ अभियान पूरा करी लैता गेआ ऐ। बस ऐतवारें शामी लै 7 बजे पोखरा शा 44 यात्रिणं गी लेइयै रवाना होई ही ते काठमांडू जंदे बेल्लै धाडिंग च दुर्घटनाग्रस्त होई गई।

<><><><><><>

Bangladesh

बंगलादेश दे राष्ट्रपति मोहम्मद हशदबुद्दीन होरें साबका मुख सलाहकार मोहम्मद युनुस हुंदे उप्पर संवैधानिक प्रक्रियाएं दी बार-बार लोआंघना करने दा दोष लाया ऐ। इक अखबार गी दित्ते गेदे इक इंटरव्यू च उनें युनुस हुंदी इस गल्ला लेई नुक्ताचीनी कीती जे उनें कई आपातकालीन उपाएं दी लोड़ होने दे बावजूद उचित औचित्य विजन केई अध्यादेश जारी कीते। राष्ट्रपति होरें आखेआ जे युनुस होरें बदेशी यात्रुएं शा परतोने मगरा उनेंगी कदें बी कोई जानकारी नेई दित्ती जेड़ा संवैधानिक जरूरतें दी लोआंघना हा। इस दरान राष्ट्रपति होरें गी सशक्त्र बलें दा पूरा समर्थन मिलेआ, जिनें संवैधानिक, निरंतरता दी राखी करने दा बचन दित्ता हा। उनें गलाया जे बंगलादेश नेशनलिस्ट पार्टी दे लीडरें जिंदे च कार्यवाहक अध्यक्ष तारिक रहमान होर बी शामिल हे ते उंदा समर्थन दित्ता।

<><><><><><>

Manipuri Film BAFTA

मणिपुरी फिल्म बाॅंग नै कल लंदन च सभनें शा श्रेष्ठ बाल ते परोआरिक फिल्म दा BAFTA पुरस्कार हासल कीता ऐ। एह सम्मान भारती सिनेमा, खासतौर पर पूर्वोत्तर दी फिल्म लेई इक महत्वपूर्ण उपलब्धि ऐ। फरहान अख्तर आसेआ बनाई गेदी ते लक्ष्मीप्रिया देवी आसेआ निर्देशित इस फिल्म दा शीर्षक मणिपुरी शब्द निक्का जागत थमां लैत्ता गेआ ऐ। बाॅंग समाजी ते सियासी अशांति बश्कार बधे मठोए दे इक निक्के जागतै दी दिलै गी छूने आली कहानी ऐ। सितंबर 2025 च सिनेमाघरें च प्रदर्शित होने शा पैहले बाॅंग नै अंतरराष्ट्री फिल्म समारोहें च शानदार प्रदर्शन कीता हा। इस फिल्म दा प्रीमियर 2024 च टोरंटो इंटरनेशनल फिल्म फेस्टिवल च होआ हा।

<><><><><><>

Sonowal TN

बंदरगाहें, जहाजरानी ते जलमार्गे सरबन्धी मैहकमे दे केन्द्री मंत्री सर्बानंद सोनोवाल होरें तमिलनाडु दे तूतीकोरिन च अज्ज तकरीबन 15 सौ करोड़ रुपें दिां बक्ख-बक्ख बंदरगाह परियोजनाएं दा उद्घाटन ते नींह पत्थर रक्खेआ। इंदे च वीओसी समुंदरी विरासत अजैबघर, 8 मेगावाट दे पवन ऊर्जा संयंत्र ते

प्रतियोगिताएं च सुन्ने दे तगमे बी जित्ते दे न। दुनिया दी इकलौती महिला अंतराश्ट्री पैरा तीरंदाज दे रूपै च शीतल हुं'दा सफर पक्के निश्चय ते उत्कृश्टता दा वैश्विक प्रतीक बनी गेदा ऐ।

<><><><><><>

ICC T-20

मर्दे दे आईसीसी टी20 क्रिकेट विश्व कप दे सुपर 8 मुकाबले च अज्ज मुम्बई दे वानखेडे स्टेडियम च जिम्बाब्वे ते वैस्ट इंडीज दा मुकाबला चला करदा ऐ। वेस्टइंडीज़ ने टॉस जित्तियै पैहले गेंदबाजी दा फैसला लैते दा ऐ। तोआई एह्दे शा पैहले कल भारत गी सुपर-8 मुकाबले च दक्खन अफ्रीका थमां 76 रन्जें कन्नै हार दा सामना करना पेया। अहमदाबाद च खेडुं गेदे इस मैच च पैहले बल्लेबाजी करदे होई दक्खन अफ्रीका नै तय 20 ओवरें च 7 विकटें दे नुक्सान पर 187 रन्ज बनाएं। परते च भारत दी पूरी टीम 18 ओवरें ते 5 गेदें च 111 रन्जें पर आउट होई गेई।

<><><><><><>